

Q1. Qanuq iqqanaijaaqarngata MMIWG Inuit Pijariakillittijit?

A1. Iqqanaijaaliit taakkua Pijariakillittijit aaqqissuunirmik Inunnut Qanuqtuutissanit Parnautinit atuligtittigutissanit Naammattuligutauqullugit Maligaqtigut MMIWG Kanatami Qaujisarutaujuq, ilagijaullutik 46 Inunnut-turaangajut Naammattuligutauqullugit Maligaqtigut. Pilirijugut naamajunit parnautiliurasuaqtuta pijutiarniaqtunit ikajuqtaujutigialinginnik ilagiit, nunaliujut ammalu Inuit arnait, niviarsiat ammalu 2SLGBTQQA kikkutuinnait ullumi inuujut pilirijjusiuuvattunit naammangittulivuvattunit tamakkualu quvvasitturjuaaluugutauvattutik ninggaujauqattarninginnut. Inunnut Qanuqtuutissait Parnautiit aaqqijjutauniarngata inunnuungajunit gavamatuqakkunni Kanatami Qanuqtuutissanit Parnautinit.

Q2. *Ilagijaullunga unikkaarsimallunga (uvvaluunniit unikkaarsimananga), qanuq qaujikkaqtaulaaqqunga kamagijauvallianingita missaanut Inunnut Qanuqtuutissait Parnautiit? Piviqalaarivungaa isumagijaqarnik uqausiqarunnannirmik?*

A2. Issivautauqatigiittuta Pijariakillittijinit, Paktuutikkut ammalu Inuit Tapiriikkut Kanatami tukisitittigiqattaniaqtut pinasuarutingita missaanut Inunnut Qanuqtuutissanit Parnausiurninginnik. Ilagijaullutit, unikkaatit pijjutasimajut atuliquijjutasimajunit Kanatami Qaujisarutaujumi Pijariirutinginni Unikkaanit. Ilagijaujut Inunnut Pijariakillittijinut maanna aaqqissuivalliajut naamajunit atuligtittivallianirmut tukimuatissanit ikajuutilinnit nunalinnut aaqqiumagutauniaqtunit ammalu kamagijaqarniaqtunit pigiarutauvattunit ninggaujauqattarninginnut Inuit arnait, niviarsiat ammalu 2SLGBTQQA kikkutuinnait.

Q3. *Qanuq Inuit Pijariakillittijit ikajuqqat ilagiinut?*

A3. Inuusit pimmariummat uvattinnut. Isumalirijinut ammalu ippinniagijauluaqtunut ikajuqtaujariaqaruvit, atii uqaalaniaqutit taakkununga namminirsuqtunut Kanatami akiqanngitukkut uqaalaqattarvimmut: **1-844-413-6649**. Inuusilirijimik atuinnaqtaqarpattuq 24nit ikarranit qautamaat, tisamaujunngigaqtut ulluit pinasuarusitamaat. Iluunnatik uqaalaniujut tusaqtaujariaqanngittut kinalimaamut. Taakkua ikajuqtiit atuinnaat ilinnut Inuktut, Qallunaatittut Uiviititulluunniit.

Q4. *Unikkaarunnajunnginnala taissumani maannali unikkaarumalirama uvanniinngaaqtunit – uqarviqariaqaqqungaa Inunnit Pijariakillittijinit?*

A4: Taakkua MMIWG Kanatami Qaujisaqtaujut pijariisimalirngata ammalu saqqitittijummata pijariirutinginnik unikkaanit. Maannali Pijariakillittijivut aullujjinggaariaqalirmimmata titirarpallianirmik Inunnut Qanuqtuutissanit Parnautinit atuligtittinirmut Naammattuligutauquajunit Maligaqtigut.

Q5. *Amisuaqtiluaqtuta unikkaaqattaratta kisiani saqqiqtuqalaurisimavannngimmat. Inunnut Qanuqtuutissait Parnautiit atuligtitaulaarvaluttuujaaqqaat kamagijaullattaarlutik?*

A5. Iluunnatik katujjiqataujut tamatuminga piliriarmi kamagijaqarngata atuliquijjutasimajunit Kanatami Qaujisarutaujumi pijariirutinginni unikkaanit katujjilutik-titiraqujaullutik Kanatami Qanuqtuutissanit Parnautinit. Pilirijugut tatigiqattautittiaqtuta ammalu kamagijauqullugit saanngajaujariaqarsimatillugit gavamakkut uvagullu namminiq. Qanuqtuutissait parnautivut pilirijjuttissaqattariaqarngata ammalu piqasiujjisimalutik kiujigijaujunnannirmik parnautinit atuligtittinirmut qilammijumuungajunit, akunnaaqijumuungajunit sivitujumuungajunit qanuqtuutissanit kamagivalliajavut kajusititaujunnaniarngata kamagijaujunnaniarngatalu.

